

繆荃孫全集

日記

3

藝風老人日記（三）

鳳凰出版社

繆荃孫 著

張廷銀 朱玉麒 主編

繆荃孫全集

繆荃孫 著
張廷銀 朱玉麒 主編

 鳳凰出版社

日記

③

藝風老人日記（三）

藝風老人日記(三)

藝風老人日記(三)目錄

己酉日記(一九〇九年).....	(5)
庚戌日記(一九一〇年)	(68)
辛亥日記(一九一一年).....	(124)
壬子日記(一九一二年).....	(180)
癸丑日記(一九一三年).....	(238)
甲寅日記(一九一四年).....	(301)
乙卯日記(一九一五年).....	(366)
丙辰日記(一九一六年).....	(427)

己酉日記(一九〇九年)

宣統元年歲次己酉元旦壬午，晴。賀年，訂詞目，校《吳興志》第三冊。支樹屏、梁慕翰來。書屏率四子來。

二日癸未，晴。詣書屏處拜影像。祝陶太恭人壽。詣況夔生談。訂詞目。

三日甲申，晴。發瞿雪齋長興信。發揚州文樞堂信。傅竹巖來。況夔生來。訂詞目畢。晚入署謁甸齋，送石印長垣華陰兩華山本，並晤王雷夏、任炳之。又雨。

四日乙酉，晴，祀神。瞿元生表弟來。發瞿雪齋長興信、祿田申港信、小雅江陰信。發永賢信、陶子麟信、柯慈庵信。撰家衡甫《東倉書庫圖記》。

五日丙戌，晴，溫和。祀先，收影像入櫝。接葉煥彬信並所刻《葉石林遺著》《搜神大全》零篇。隨檢葉刻《避暑錄話》新刻三種報之，仍交段小衡。接劉光珊信。樊山招飲陪陶帥，百年、子立、闔生、全孝禹、漢甫、東畬同席。出觀書畫，以王孤雲《金明池圖》、錢叔美《輞川圖》、惲畫山水冊、杜陵內史《楊妃醉酒圖》、錢玉魚山水花卉為最，東林寺碑拓本。

六日丁亥，陰。庶祖母生辰，家祭。姐兒生日，十三年矣。詣書屏，談訂十二在江陰之約。拜章西園。接金桂生詩。晚，家人小飲。接李壯猷太原電。

七日戊子，晴。五鼓起，偕祿保、僧保赴大車棧。致張玉甫一函，薦張升。晤傅竹巖、李蔭伯、黃炳蘭。祿保到常州下車。酉初到無錫下車。赴升平巷，訪夏蔭庭老弟，即留住。晤侯葆三、王雨春傳蓀、蔭庭之婿、祝友山壽松、其弟壽楨同席。寄趙學南葉刻三種並還詩話及《九龍山人紀事》，交小樓夫人。

八日己丑，晴。令王升賃船。詣保三談辦理女學，極講究，旁闢一門，通北禪廣福寺廢基，甚為寬曠，惜宋碑一斷棄於地，殊為可惜。再詣崇安寺美術展覽會，內陸仲巖自製翎毛水族標本，不亞東洋鉛筆畫，彩筆劃繡片均佳，磁器亦有佳書畫，金石則最下。廿年不到，氣象一新，只門前兩唐幢亭亭如故耳。賃小船先至四海樓小飲，再過惠山，聽松如故，右側勒匋齋題名下壓前人題字，何以未曾檢點。上雲起樓小坐，詣泉亭品茶，回舟上新顧船，祿保已到。蔭庭約同入城晚飯。飯畢，辭雨春、蔭庭，仍坐小船出城。亥正，上大船。晚忽氣脹，起坐作暖方平。

九日庚寅，陰。早放舟入高橋，未刻到青陽，在章應春處晚飯。撰李審言夫人趙氏壙志。晚雨。

十日辛卯，雨。點心後，赴李家村上墳，看伯父母新塚。酉刻回舟。薛表妹因嗣子與其女對分，約親族議並立單晚飯。表妹命苦，自其夫死後，立內侄為嗣，內侄又死，至此已三議矣。李氏族中曾彝、頌平、均平和嗣子耕夫耳。讀《義門讀書記》歐文評，均真有見地者。

十一日壬辰，微晴。早開船往放江陰，午刻到。拜祝丹卿、陳偶卿、陳符卿、馮徵若、孫花樓、吳聽臚、章琴若，再至子霖處。子霖約至一龍晚飯。與緒武、緒文、祿保、僧保六人共飲。書屏偕慶善亦至，飲甚歡。

十二日癸巳，陰。早，子霖、緒武、緒文、沙仲文來，約隆源點心。祝丹卿來言憚老八之霸道。孫花樓送菜。飯後，開船至雲亭，方知其誤，故回江陰。雨亦不止。撰《潁上黃庭蘭亭》跋。

十三日甲午，晴。金如家桂來，求列名遞單並送一袍料、四柳葉碗。到隆源，晤章琴若、馮徵若、吳聽臚、陳儷千、張爾常。到適園早飯，章恂齋、馮徵若、章琴若同席。祿保、慶保看字畫。琴若邀看新修學堂，再摩宋《宣和王孝竭碑》。到子霖處小坐，再往隆源，琴若邀飲，佛千、慕周同席。書屏小舟先發，晚不寐，借錫卿《益都縣誌》，舊友法小山手筆極佳。

十四日乙未，晴。辰刻起程，二里蒲鞋橋，八里金洞橋，十里磚門橋，晤謝聘璋，知書屏昨晚已過，四里袁家橋，又二里陳家木橋。書屏船在此轉入火堽堂，蓉蒲公墓道。書屏、慶善早到，設祭行禮畢，庚寅，所種松僅在九十餘，餘均析為薪矣。給墳佃四元。回到聘璋處早飯，入城在子霖處晚飯，偕阿三過觀音寺訪宋元碑。回子霖處晚飯，上船。

十五日丙申，晴。祝繼五來。祿保上輪船赴無錫火車，即日回寧。起早回申港。到夏港，晤倪昆甫、熙之、徐伯元。到家住祿哥處。谷瑛約晚飯。

十六日丁酉，晴。大風，冷。早謁祖墓。祿哥設席小飲。到吳季子祠，看曾祖母墓，殷保全招飲。回，風大，睡不適。

十七日戊戌，晴，冷。與祿田見晉初弟，議種樹事。發蘆蕩孫梓文信。送徐偉三十二元，並託墳前二畝事。晚，嗽，不寐。

十八日己亥，微晴。早起程，至肥場墳一看，到典點心。再上橋口上船，開至常州北門泊。

十九日庚子，晴。早起赴火車棧，未正上車。晤趙又班、孫孝藹、解振高。西刻過寧垣城內火車，忽遇鏡涵率兒女出游，可謂奇極。收陶子霖信、子占信、緒武信有田帳，陶子霖紅書三冊，王扞鄭信、碩逸信、雪齋信、聚卿信、有書、小雅信、時若信。聞衡餘將收存款，均交慶福。

廿日辛丑，晴。徐積餘來。還詩與丁禮民。改文。校書畫。上甸齋函，還戒壇佟曹二先生祠圖二冊。周先生來，明日開學。兌百金交祿保。

廿一日壬寅，晴，風。拜徐積餘、李世由、何雪門、章式之、金伯豫。李藝園、徐厚餘來。積餘饋二百金。發京師沈大理信並重鈔《元典章》第十一吏部類一冊。又寄劉蕙石影寫《寒山詩》。又島田刻活字本交祿保。接陶帥覆信。

廿二日辛卯，晴。送《鶴銘考補》與陶帥。發祿田、晉初信，言種樹事。發湖南洪家井、葉奐彬信。瞿元生、張秀孫揆肅、張少卿、程鼎臣、丁文琥、季琴、龔子中、況夔生來。祿保入都，附江輪到鄂。具並會第四集，未能去。接成都雲孫信。

廿三日壬辰，晴。李曉墩、陳雨生、李梅庵、支樹屏、金伯豫來。伯豫借《虛受堂集》去。撰新鑄《銅人腧穴針灸圖經》跋。發小崖信，寄東沙帳附桑鐵珊信。發丁秉衡信。晚入署與陶帥談，晤文石、叔同。接劉聚卿信。沈懋采自江陰來。

廿四日癸巳，晴。周蓮舫、朱仲我、殷亦坪、茅子貞、陳直甫。交直甫《蘇文》。發四川桐九、雪孫兩信。發劉聚卿信，寄《針灸圖經》跋、曹元寵詞跋、李仲琳圖帳。晚甸帥送洋椅來。詠王粲。

廿五日甲午，陰。況夔生來。撰謝甸齋洋椅子啟。接濟甯李

壯黻信、惲與九信並丁祿三接洋元收條。甸帥送書畫八件來。子占、熙之自常州來。拜周蓮舫，看老湯書。約蓮舫、金伯豫、章季文、殷亦坪、文甫、書屏，陪周先生。子占送禮。聘聯舫回蘇，贈以文集，並託帶《小叢書》與江肖威。

廿六日乙未，晴。子占來。拜吳釗泉、張玉甫、徐積餘。積餘留午飲。枚庵、厚餘同飯。章雲洲來。莊思槭、鈕永建鐵生來。張少卿求改桂道哀啟葉。沈振之士甲來，贈以四元與致夏潤枝一信。校王文成公手卷。老夏六元、仁甫十二元。

廿七日丙申，晴。先繼母諱日，家祭。發陽湖陳仲陶信、鄭陸橋六妹信並洋十二元交子占帶。送謝啟與甸齋。夏蔭庭自十二圩來。趙穆士招飲，謝之。接祿田信附徐傳隆信。接潼關齊蔭甫信，寄五十金。填集部卷數。購景祐《六壬神》定經付裝。銅作坊失火，延燒十餘家。

廿八日丁酉，小雨。大切坊又火。女子公學開學，觀禮。方燮尹招飲，梅庵、小濤、漱六、斐漪同席。接沈幼卿兩信。寫《東倉書庫圖記》，劉漱六、巽甫招飲，王雷夏、梁慕韓、柳翼謀、江小樓同席。電史新銘。

廿九日戊戌，陰，冷。送雪齋乾脯十六元與六舅。書屏文四十元。發長興雪齋信、太倉衡甫信，寄《東倉書庫圖記》。約積餘、闐生、漢輔、梅庵、夔生、蓮六、巽甫小飲，李文石辭。談荔孫、柳翼謀來。

二月辛亥朔，晴。遵制薙髮。陳善餘、張少卿、胡子羹、茅春古、陳籲生、支潤屏來。發京師劉聚卿信，寄還《揚州夢》、《九宮譜》、《牡丹亭》、《通天台》樣紙。發史新銘、沈幼卿論私塾改良事。接子梁信。江文清支二十元去。谷瑛來。為張世兄改公事。發郭

習樓信，議姻事。

二日壬子，晴，冷。發京城吳鬱農信，仍為三兒姻事。發江西建德觀馮公館信，寄六十六千四百又合銀卅四兩。校《銷夏錄》。約莊思緘、鈕鐵生、方燮尹、丁秉衡、趙穆士小飲金陵春。入署與甸帥談，並晤李義仲先帥。還書畫八件。延石蘊軒診脈。

三日癸丑，晴，冷。發永賢信、陶子霖信，寄《東坡集》。還景朴孫《石渠寶笈》零本，取《好古》、《玉雨》兩記回。沈子良、陳藝甫來。春台來取文字去。送章式之新刻書。蔭庭回十二圩。延石蘊軒診阿三脈。

四日甲寅，陰。詣圖書館，還《雲林》、《說學》兩集。詣陳善餘談。詣章式之談，借得《瞿木居士年譜》、葉菊裳《語石》藁。發劉訪渠信，寄還思古齋《黃庭蘭亭》、沈石翁《臨楔敘》、《書譜》，甸齋新跋也，交李健甫帶。甸齋交書畫十件來。畫箱收拾好，收畫入箱。又借圖書館《謝皋羽年譜》、注《廣卓異記》。

五日乙卯，小雨。丘三來，取嵩祝三同年信，寄《文集》一部、《續碑傳集》一部。送葉奐彬刻《石林》三種與式之，又借《奕載堂文集》、《徐籀莊年譜》去。陳仲虞來，得《墨史》、《涑水紀聞》舊鈔本，去洋十元。還學堂《德律風》十五元。留丘三《顏氏家訓》、湯伯和《麟後山房叢書》、《出塞集》、《養一齋集》、景祐六《壬神》。定經。校《曾公日錄》。

六日丙辰，晴。校《曾公日錄》。交沈孝楷二元六角，定《國文報》。校《銷夏錄》。接衡甫信、小雅信、碩逸信、桑鍊珊信、江孝威信。撰《沮渠安周功德頌》跋。撰洪琴西墓碑。李蘭甫、吳隱來。

七日丁巳，小雪。校《曾公日錄》。接沈家六妹信，趙子欽謝

信。陳年侄鳳蔚逸庵來。況夔生來。崇賢堂來，寫《裝餘偶記》。電鄂催饒星舫，去洋二元三。

八日戊午，微晴。校《曾公日錄》。屠靜三來留早飯。拜沈佑彥、武仲平、孫孝藹、趙皖生、倪昆甫、郭軒甫、施少卿、潘毅遠。王漢輔約陪媒，王孝禹、趙湘圃、吳闐生同席。寫《裝餘偶記目》一冊畢。

九日己未，晴。校《續銷夏錄》。陳善餘來借《義山文集》箋注及馮氏詳注去。傅茗生來。到圖書館看工程。翻山到來訪庵。詣司馬晴江入具並會，同人均集。還匋齋書畫十件。入署與匋帥談，晤宋康復、高幼農、費子彝、金雯山。寫《裝餘偶記》卷五目。校訂《曾公遺錄》二冊。

十日庚申，晴。校訂《曾公遺錄》。寫《裝餘偶記》卷七日。李健夫、費子彝、莫仲武來。拜高少農、傅茗生、林子彝、惲心耘、惲與九、陳□□。趙幼班、子香來。碩逸撥廿元與仁甫。

十一日辛酉，晴。校訂《曾公遺錄》卷九。拜李健甫、李藝淵。洪幼棨送菜來。張篁樓、費子彝、李楷林、宋培之。約傅茗生、惲莘雲、趙湘圃、趙君閔、沈冕士、沈佑光、屠靜三小飲雲自在龕。接徐積餘信，寄張幼丹所著。

十二日壬戌，晴。寫《裝餘偶記》卷六目。校訂《曾公餘錄》九畢。清理文集續編。書屏自江陰來。收拾餘房。

十三日癸亥，晴。撰《曾公遺錄》跋。章西垣來。代雪齋送六舅十六元。交董梁生振貽名條與茗生。匋帥交書畫十件來。領二月薪水。接長沙葉奐彬信、寧波小雅信、劉聚卿信。方燮尹來。

十四日甲子，晴，天和。發陳中丞信，議南菁事。發眉嫕信。拜冀餘、張篁樓、嵩祝山、章希璠。發陶子麟信，附《鶴銘考補目》。發樊介軒信，方燮尹為龔生求考法政學堂。選四書論與阿四論讀。移書籍。送洪都轉碑與洪季棻。送《文集》與方燮尹。還《靖江志》與桂生，又送陳雨生所著四種。

十五日乙丑，晴。移畫櫥上樓。校《林葉軒筆記》畢。偕谷瑛、熙之三、四小兒登清涼翠微亭，入寺摩保大井闌，再入書樓看工程。循烏龍潭而出。朱桂卿福詒來。接董壽京信、陶子麟信、吳蓉生信。《國文報》第二期寄到。接沈幼卿山東信。

十六日丙寅，晴。移書架。拜朱桂卿、錢晉甫。章希璠招飲，傅紹生、慶西園、姚仰南、曹翼甫、劉遽六、劉巽甫同席。楊子姓招飲，段少滄、張孝直、傅苕生、余壽平、屠靜山、李梅庵、吳康伯同席。余壽平來。入署與甸齋談，晤江幼陶、費子貽。丁孟輿來，送《朱桂卿文集》、《金石目》、《續碑傳集》、《日游彙編》。

十七日丁卯，晴。有風。洪幼卿、曹慎清來，代致蕭世兄信並三百元。拜樊雲門、余壽平。沈佑顏招飲，程樂庵、賈占永、朱桂卿、賈子永、傅苕生、錢晉生同席。接郭月樓信，吳、李杭州兩信。饒星舫自湖北來，帶到《東坡集》四十卷清樣，交甸齋，又帶來劉聚卿《九宮譜》、《牡丹亭》六十種之《南柯》、《紫釵》兩記。交鏡涵玖十金合洋一百卅一元，又五十元購酒燭之用。郭軒甫送《名勝志》來。甸齋約晚飯，朱桂卿、余壽平、蔡伯浩、章式之、宗子岱、伍蘭生、況夔生、沈佑彥同席。晚大雨。送方履中、信及幃。

十八日戊辰，風。校《岳州名勝志》。接葉煥彬信。接揚州安人信，當轉告丘三。趙湘圃招飲，樊雲門、王孝禹、吳闓生、翟福侯、王少延、張篁樓、陳劭吾同席。季棻選其前人開復恩旨來。寫《裝餘偶記目》。送方老爺祭幃。終日小雨。送周左庵幃。

十九日己巳，陰。接黃逸仙信。寄《涖寔齋文集》。拜段少滄、傅苕生、費子彝。到圖書館還《謝皋羽年譜》、樂史《廣卓異記》，借正統本《前漢書》三冊回。寫《裝餘偶記目》。約樊山、章西園、蔣鳴慶、章仲武、江小濤、費子彝、潘受培小飲雲自在龕。發祿田信，發丘三信。

二十日庚午，雨。寫碑目。接葉奐彬信、瞿雪齋信。寫《裝餘偶記》第六目。

廿一日辛未，小雨。五鼓起，開內房門。屠靜三、黎壁人、震在庭、宋勉之到書樓觀書，留早飯。校《湖南名勝志》。接祿保信、長子泊信、徐積餘信。校《消夏錄》。

廿二日壬申，晴。校《消夏錄》。發老夏六元、李仁甫十二元、陝西帖賈二元。武仲平約小飲金陵春，冒寒前往，又嗽。

廿三日癸酉，晴。校《消夏錄》。送書畫十件還甸帥。譚子旒寶琳來，侯建伯來。張誦穆來代雷司事去幫。送十元。屠靜三來長談。江文清支三十元去。李貽和索《江甯金石記》首冊去。專小楊赴蘇，致費子彝一信。嗽如故。雨。

廿四日甲戌，雨終日。補昨晚謁甸帥。聽李世由閒談女學堂劣跡。鏡涵到杭州，王升、小楊均去，帶去丁脩甫信一件、劉光珊信、趙學南信，還胡竹樵所著一冊，又贈劉刻《石鼓文》精刻本一冊。校《湖南名勝志》、《汝甯名勝志》。分送《語石》第三卷與熙之，第八、九、十與倪昆甫、郭軒甫。吳蘭坡招飲，孫孝藹、張誦穆、丁孟興、潘受培同席。詠紅梅。褚世兄還《捫碑讀畫圖》來。雨徹夜。

廿五日乙亥，雨竟日。改紅梅四律。發祿保信第一號。發永賢信。發雪齋信。本家繆國兄來。柳翼謀來。姚安圃來。陳籲生

來。聞李仲琳丁憂，訃以四元。又接祿保第二號信、巢勛生信、繆衡甫信。晚冷。楊觀堯自常熟來。江文清支錢留摺。

廿六日丙子，晴。姚安圃索左廉訪信去。又發陶子霖信，寄書李貽和，支五十元去。李審言送雞卵二百枚、《正誼堂集》一部。送審言夫人壙志文。招國光入宅鈔書。

廿七日丁丑，微晴。嗽甚。延石蘊軒診脈。發潤枝信、太倉衡甫信。李審言、章雲洲來。致丁秉衡一束，還楊辛孟畢冊一部。致善餘一束。致楊辛孟一束，送新刻書。致張篁樓一束，託葛幹庭。送江西馮信並二箋與傅苕生。寫《裝餘偶記》卷六目。勘《復初齋藁》卷十九一冊。晚服藥。天又陰。三更雨。

廿八日戊寅，陰。稍愈。發徐積餘信，寄鮑紫來詩，又復蕭蒲村信。寫《裝餘偶記》六目。甸齋交書畫十種來。勘《復初齋藁》卷二十一冊。服藥。

廿九日己卯，陰。延石蘊軒診脈，贈針灸經紅印本一部。苕文贈官窑瓶一。馬長孺送茶葉點心來。接陶子霖信。勘《復初齋藁》卷二十一。致章式之一束。寫《裝餘偶記》卷三、四目。晚又雨。服藥。

卅日庚辰，晴。大風，飯後陰。發陶子霖信，寄刻書樣。寫《裝餘偶記》卷四目。拜傅苕生、費子彝、楊辛孟、汪甘卿。沈子翁校官招飲，丁禮民、張誦穆、陸安山、陳雨生、朱仲我、司馬晴江同席。子良出眎八唐人集何義門校。丁善之來。接丁脩甫信，薦一寫官孫子農，然已無餘地矣。

閏月丁巳，朔，雨竟日。校《語石》卷三。索高等寫官《名勝志》回，交孫子容寫。又校《語石》卷九。傅苕生、茅春台來。發沈麗生

信、丁吉雲傳隆信。改洪都轉文。書屏借百金去。履伯借四十元去。校《銷夏錄》。拜胡幼嘉。李藝淵同年招飲，汪建莘、江幼濤、梅斐猗、陸叔桐、崔來臨同席。雨不已。

二日戊午，大雨。陶拙存、馬長儒、丁善之來。王升自杭州回。接丁知甫信。收回盛宅書一箱、劉光珊信。趙學南忽寄錢梅溪書《論語》刻石，莫明其意，疑有誤。校《銷夏錄》。

三日己未，晴。金蘅沔、傅築巖來。丁秉衡來。拜況夔生、章式之、書屏。丁紹裘自杭州來。校《銷夏錄》。發永賢信、吳蓉生信，寄五十元一聯。發潼關齊蔭甫信、饒心舫摹《江寧記》、錢辛楣信。

四日庚申，晴。校《石林詩話》三卷。丁紹裘交去兩宋《一統志》、《湖廣》兩卷。拜徐厚餘、李審言。借到王山史《山志》、李沂詩。樊山有詩來和二詩。陶拙存囑代鈔《嘉禾志》。葛幹庭、楊辛孟來，並送《濠叟詩文集》來求序。郭軒圃送《語石》第八卷來。

五日辛酉，晴。校《消夏錄》。樊山又有兩詩來。木匠支百元去。瞿雪齋撥十元去。饒心舫借十元去。讀《濠叟文》。丁秉衡來。沈麗生自常州來。致李審言一柬。夔生招飲金陵春，借《江左石刻文編》去。接閻枝信。發沈子培信，交馬長儒。接劉聚卿信。

六日壬戌，陰。丁銘三自淮安來。讀《濠叟文》。潘毅遠、趙皖生、章式之來。式之借《瞿木夫書跋》、《藝風續藏書記》。書屏還百金。發劉聚卿信。接徐積餘信。讀《通鑒文》。題《載書圖》、《紫雲山采碑圖》。繳甸齋書畫拾件。

七日癸亥，晴。通和送摺子來。校《語石》卷八。談篤生來交四元，與丁銘三送回淮安。況夔生來。陳雨生、陳善餘來。發閻枝